


জন্মভিটার উপর
দিয়ে ফিরছি



ঐকান্ত পাল



মহাপৃথিবী

প্রথম প্রকাশ ১ জানুয়ারি ১৯৩৭

০: ~~প্রথম প্রকাশ~~ ১

প্রকাশক ~~শ্রী~~ ৫

মহাপৃথিবী

১১ ঠাকুরদাস দত্ত প্রথম লেন, হাওড়া ১

প্রচ্ছদপট অলকেন্দ্রশেখর পত্রী

মুদ্রক কৃষ্ণপদ পাত্র

বেগুনী প্রেস

আমতা, হাওড়া

বঁধাই অশোকা বাইপিং ওয়ার্কস

কলকাতা ৯

উৎসর্গ
বন্ধু
শঙ্কুনাথ দে-কে

অন্য কাব্যগ্রন্থ :

নতুন ক'রে : স্মরণে

সূচীপত্র

- ৭ জন্মভিটার উপর দিযে ফিবছি
- ৯ সে প্রভুর দর্শন নেই
- ১০ চেতনায় উৎসব নেই
- ১১ বাজেয়াপ্ত হবেনা
- ১২ তোমাকে সাজিয়ে এখন
- ১৩ কেবল তাগিদে
- ১৪ এস, এবার ফিরি
- ১৫ সূর্যাকে সূদূরে বেখে
- ১৬ অন্তঃস্থলে গাযাবতী ঘব
- ১৭ পুনর্বীর আবর্তনে
- ১৮ কার আদেশনামা
- ১৯ প্রায়ই ভুলে যাই
- ২০ আমবা পরোক্ষে আছি
- ২১ ভাগফল মেলাবো কোথায়
- ২২ সময় কঠিন হ'ল
- ২৩ কারারুদ্ধ নজরুলকে ভেবে
- ২৪ তোমবা কি উর্ডিয়ে দিচ্ছ
- ২৫ আপোষবফায়
- ২৬ এত কাছে বয়ে যাচ্ছ
- ২৭ সব দেশ আমাদেব দেশ
- ২৮ মাস্তুষের অন্তনাম এখনো দুর্গঃ
- ২৯ কেবলই উষ্ণতার খেলা
- ৩০ বয়েসের সংগে সংগে
- ৩১ অনাত্মীয় অন্ধকার
- ৩২ বিলাপ থেকে উদ্ধৃতি
- ৩৪ মুখোমুখি
- ৩৫ হারানো অতীত এবং প্রেম

- ৩৬ দাঁড়িয়ে আছি
- ৩৭ দাঁওনতলার মেলা
- ৩৮ প্রতিদিন নতুন মহড়া
- ৩৯ শুকোর না বকেরার ক্ষত
- ৪০ অতিক্রম করে যাচ্ছে
- ৪১ সাজাতে জানি চিতা
- ৪২ গল্প জমে
- ৪৩ সময় ফেরেনা কারো
- ৪৪ একতরফা প্রেমের মত
- ৪৫ হাতফিরি
- ৪৬ একদিন গান শুনবে
- ৪৭ চড়কতলার মাঠে
- ৪৮ বিস্তার
- ৪৮ বাকের মুখে
- ৪৯ সার্থক জন্ম আমার
- ৫০ সভাপতির ভাষণ

জন্মভিটার উপর দিয়ে ফিরছি

বৈশাখী পূর্ণিমার মধ্যরাতে পরিত্যক্ত প্রায় জন্মভিটায়
বসছিলা, দাঁড়াচ্ছিলা, কেবল হাঁটছি – স্মৃতিবিহীন।

ক্রম পদক্ষেপে পরিচিত দৃশ্যগুলি স্বস্থানে ফেরে

এ ভূমির প্রয়োজন নেই আমাকে আর

শোক সস্তপ্ত একটা পরিবারের মত আম-জাম-বকুল

তাল-খেজুর-নারিকেল সবই ছন্নছাড়া নিসর্গ এখন।

মাটির বাড়িগুলিকে ঘিরে সৌন্দর্য-সৃষ্টির দায় আর নেই

কালপেঁচা আক্ষেপ হয়ে' বসে আছে আমড়ার ডালে

বাঁশবনের পাশে তেঁতুলগাছ

ভূত প্রেত নিয়ে

জোনাকির ঝাড়ে স্পষ্টতর – এ কারখানা খন্দ চৌচির সংসারে

শনি দৃষ্টি পড়ে।

পুকুরের ঘোলাজল থিতুয়ে রেখেছে কিছুক্ষণ

ঘাটের অনেক নীচে তলানির মত ক্ষীণ আশ্বাস বুকে বেঁধেই

মরে 'পচে' ফুল ফুটে আছে মাছ – রাত্রির সৃষ্টিতে।

এক সময় পদ্ম ছিল – কাক চক্ষু জলের পাতাল দিঘিতে

খ্যাতিমান জোঁকা

ছঁকা হাতে দশা-সই মাবেকী মানুষটির নিশ্চিত আবাচে গল্প

জনশ্রুতি আর

আমার শিকড়-আঁকড়ানো জন্মভূমি লতাগুল্ম গাছ

তেমনই আছে,

রাঙাচিতা শেঁকুল আর বাজবরণের বেড়া আর নেই
সেই সব মেয়েদের কলহ বিবাদ মুখর উচ্ছল ঘর নেই
প্রায় কেউ নেই আর
পডচা, দলিল, আগিনের অংশভাগ সব মিথ্যে আজ
আমাকে টানে না আর জন্মভূমি, অথচ কি যেন মায়া
পিচু নেয়
(জন্মভূমি কি কেবল মমত্ববোধের বিকার মাত্র ?)
বসছি না, দাঁড়াচ্ছি'না, কোন্ অতলাস্তে হাঁটছি
স্মৃতিবিহীন—

নতুন ঠিকানায় ফিরছি ভীড়ের নিসঙ্গতায়

স্বরের বাসর ভাঙা সংসারে

ক্লান্ত ভাবনায় আহত বিক্ষত নরম বিক্ষুব্ধ চেতনায়

ভূত-প্রেত-আলোয়ার আর এক সান্নিধ্যে ।

সে প্রভুর দর্শন নেই

জননের তীব্রতা আছে অথচ অবাক
বাতাস হ'ল না ভারী স্তম্ভিত চিংকারে
স্নায়ু বিস্মৃতি কেন ! গনগনে আছেব আগুনে
টগবগ ফোটেনি মূল্যবোধ । এখন রক্তাল্প মানুষ কত লাখ
ছড়ানো ছিটানো – উত্তপ্ত হয়েছে ঢের এই সূর্যের সংসারে
যথারীতি, আগুন ধবেছে কৃষ্ণচূড়ায় বাসন্তী স্বভাবে ।

মাঝে মাঝে কি হয় । জর মুখে বিশ্বাস লাগে
বিতর্কিত স্বাধীনতা এই ! যে-প্রভু মেনে নিলে
নত্ন নত হওয়া যায় ঈশ্বরের কাছে ।
এ শুদ্ধ চিন্তের শুচিতায় বুঝি মানবতা জাগে
সে প্রভুর দর্শন নেই - অথচ উদ্‌যাপিত হয়ে গেছে ব্রত
কৃষ্ণচূড়া সেও গেছে, বিকলে ভাষণ শুনি প্রচণ্ড রোদ্দুবে আমরা প্রণত ।

চেতনায় উৎসব নেই

এখানে লাগেনি রঙ্ নগ্নপ্রায় আবীরা পল্লীতে
বাড়ির উঠোনে, পথে রঙ নেই কোন
অতলাস্ত আক্ষেপ নির্লিপ্ত যেন নির্জনতায় লীন
চেতনায় উৎসব নেই ।

বিবর্ণ দিনযাপনায় কে করবে আনন্দের খেলা

কার সঙ্গে হবে কার প্রীতি বিনিময় ?

মরা মনে কিছুতেই আবেগ আসে না ।

পুণ্য হোলী আসে, যায়—

এ পল্লী জানে না

যায় আসে দখিনা, বসস্তের দূত

গোলাপী ওড়না গায়ে উতলা ফাস্তন

পড়েনি ঝঞ্জাটে

ফুল ফোটে, করে যায় অগোঁচরে

পড়শীরা যে যার ব্যস্ত — নির্বিকার থাকে

কোনদিন নিমগ্ন দর্শক হল না ।

কি ভীষণ নিরিবিলি এখন এখানে

পাথ-পাথালির ডাকে শুধু থমথমে

নিকষেগ বিষন্নতা

অতলাস্ত এ আক্ষেপ ;

চেতনায় উৎসব নেই আবীরা পল্লীতে ।

বাজেয়াপ্ত হবে না

যৌবনে ফেলেছ পা

তবু স্বপ্ন দেখো না যেন নীলাভ হুঁচোখে ।

সষে ফুলের রঙ্ করে করে

অবিশ্রাস্ত করে

ছনিয়া রাঙানো –

যুদ্ধবন্দীরা সব

বিচারের আগেই অপরাধী সাব্যস্ত হয়ে আছে

কতবারই সুনানীর দিন ধার্য হ'ল,

কি রায় আশা কর উদ্ভ্রাস্ত যৌবনে ?

সব আজি চাপা পড়ে' খত হয়ে গেছে

কবে আর ঘুরে ফিরবে আলোর সমাজে ?

প্রহসন এখনো অনেক –

বাজেয়াপ্ত হবে না জেনো এ পোড়া নাটক

যার নিশ্চিত নিঃশেষ চেয়ে

স্বপ্ন তুমি দেখে যাচ্ছ নীলাভ হুঁচোখে ।

তোমাকে সাজিয়ে এখন

তোমাকে এত সাজিয়ে এখন আমিই অবাক মানি
ক্ষণটুকুর নিরীক্ষণে যতই মুগ্ধ হই
অদূরে কী আকর্ষণ আটপোরে নদী ।
গৃহিণী সময় ঢেউ পাঠালে ভাঁটায় জমে গ্লানি
শ্রোতের ঢেউ-এ সংসাবে ফের ফিরবো অবশ্যই
মানিয়ে চলায় শান্তি আসে যদি
মানানসই কথার খোঁজে ফেবা
তবু কিসের বশবর্তী – বলো।
কপ-লাবণ্যেব কোন্ পৃথিবীর গরা
জুড়িয়ে দেবে আদিম কোন নদীর তে – সত্যিই,
তোমাকে এত সাজিয়ে এখন চোখ জুড়িয়ে মরা ।

কেবল তাগিদে

বাইরেটা ঘুরে আসি
যখন একান্তই বাড়ীটাকে
একঘেঁয়ে লাগে ।

ঘরছাড়া

তাগিদে কেবল তাগিদে
খররোদ্দ, ঝড়-বৃষ্টি, বাতভিত্ত নিরাপত্তা
সব দায়িত্ব আমার !

বাইরেটা জড়ো হলে
বাড়ী ঘর হাসে,
বাড়ী তাই
চোখমেনে দৃষ্টিকে সাজায় ।

বাহিরের কাছিনী রোজই
এক হলে'

এক ঘেঁয়ে লাগে,
নতুন গল্পের খোঁজে
ঘুরে আসি

তাই

কেবল তাগিদে ।

কার আদেশনামা

অশ্রুটুকু মুছেছিলাম কী সাধনার এষে
মোছা যায়নি শোক
অনাদিকালের ছোয়ায় অবিরত
এখনো সেই ভূধারপাতে সবুজ হারালো
স্বকতার চোখ ।

উৎস খুঁজে, উৎস খুঁজে অশ্রময় শোকে
শোকার্কেঁরা স্মৃতির মঞ্চে কী সাধনার শোকগাথা গায় !
আজ শুধু ভাঙচুর
অথবা আজ শুধু ভাঙচুর

মঞ্চ ভাঙার সন্মতিসহ এ মন উদাস হলে
উদ্বাস্তু এ স্মৃতির মঞ্চে উঠে রাখো প্রশ্ন
এ কঠিন ঋণ জরুরী দিনের নির্মাণ প্রয়াসেই
শোভটুকু তার সঞ্চয় করি'
কার এ আদেশ নামায
ঢেকে দিতে চাই যে আমি অনন্ত এ শোক !

প্রায়ই ভুলে যাই

ভাল নাম প্রায়ই ভুলে যাই

ডেকে বসি ডাক নামে ।

ওরা তো লজ্জায় মরে,

কষ্টে চোখে চায়

ঈষৎ প্রতিবাদ হানে

তবু

ভাল নাম প্রায়ই ভুলে যাই

– এমনিই বিড়ম্বনা !

ডাক নামে বেঁচে থাকে যারা আজীবন

এমন কি মৃত্যু পরেও

যে নামে তাদের পরিচিতি

সেই সব প্রীতিভাজনেরা

কষ্ট হয়

এমনিই বিড়ম্বনা !

ভাল নাম প্রায়ই ভুলে যাই –

ডেকে বসি ডাক নামে

অস্তঃস্থলে মায়াবতী ঘর

এই সব অনায়ায় আলোর জৌলুসে
পরিচিতির বিভ্রান্তি তো ঘটে ।
এই ভীড়ে হারিয়ে হারিয়ে প্রতিফণে
অস্তিত্বের পাণ্ডুর সে মুখে আরসীতে কাঁদে ।
পরিমিত আলোর অস্তরঙ্গতায় ভালবাসা পেতে কেন
নিজনে হাঁটে

পথিক সবাই

যেখানে চন্দনে চর্চিত তার নীরব অতীত
ধান দুর্ভায় শিশিরের মাখামাখি মূর্ত হয়ে' ওঠে
এই মিঠে কার্তিকের জ্বালায় অফুরাণ আগমণি গানে
অবনত হতে হয় নির্মল বিষাদে
স্নেহশীষ পেয়ে ধন্য পুণ্য দ্বিতীয়ায়
মাধুর্য্যে মুগ্ধ করে হেমস্ত সকাল ।

শত দুঃখ বেদনার ঘরে
রমণীয় উপস্থিতি উদ্ধৃত্ত দৃষ্টিপাতে আঁকা
কান্নাতো মিশেছে এসে স্নান হেসে বয়েস বিকালো
তবু কেন মনে পাতা একটা আসন
সেও যেন কার হাতে কবে কার বোনা
রঙীন স্মৃতোর অক্ষরে "আসুন বসুন ।"
ভাসা ভাসা গভীরের মুখের আদল
সমগ্র এ জীবনের বিস্তীর্ণ পরিসরে আতিথ্যের ব্যঞ্জনা
অস্তরঙ্গতায়
এখানেই পরিচয় ছিল তার রৌদ্রছায়ার পথচারী
পরিচিত স্বপ্নের অস্তঃস্থলে মায়াবতী ঘর
কখনো সে অমৃতব স্তব্ধ নিসঙ্গতায় আত্মীয়তা
যেখানে চন্দনে চর্চিত তার নীরব অতীত

পুনর্বীর আবর্তনে

একবার

তোমার সে সর্বদ্বৈত প্রহরী হয়ে সজাগ ছিলে

উদ্ধত ভঙ্গীতে

সারাটা রাত -

শয্যায় শিল্পিত দেহ

যেন কুপনের পরশমণি সে যৌবন,

দূরত্বের ব্যবধানে একান্ত আয়ত্তে রেখে নিজে

ছিলে কেন স্পর্শ ভীক মোমের পুতুল !

প্রমত্ত প্রতাপগুলো বোমাঞ্চ জাগাতে তাই

অবশেষে নির্বিকার

কিছুতেই ছুঁতে পেল না লজ্জাবতী বুড়ি ;

অনুযোগ, আকৃতি আর প্রার্থনার মৃত্যুময় রূপ দেখে

পঞ্চসতীরা সেদিন তোমাকে তারিফ করেছিল ।

সেই তুমি

কয়েকটা বছরেই নিয়তির বশে

শিশুমেলা বসিয়ে জীর্ণ মলিন স্বপ্ন বাসে

বসেছিলে আঙিনায় ;

আমি আতঙ্কিত !

যখন আজ করেছি উপভোগ সারা উঠোন জুড়েই

পাতা বাহার, রজনীগন্ধা আর গোলাপের সে আলাপ

গণ্ডীর পাঁচিল তুলে একান্তে একনিষ্ঠায় সাজিয়েছি সংসার ।

আমার উন্মুক্ত দরজা বন্ধ করা যাচ্ছেনা এখন

আমার কী আত্মমগ্ন মূর্তিটা ভেঙেচুরে একাকার ।

সে অজস্র মুখে নড়ে' চড়ে' আকর্ষণ তুলেছিল

আমি অভিযুক্ত আজ

তুমি কী যৌবন বলেো জীবনযাপন করো বিবর্ণ এ মোমের পুতুল !

এস, এবার ফিরি

এস, এবার ফিরি ।

ট্রেনে উঠেই কগালখানি নাড়িয়ে গেল সে —

দেখলে তো, ও কেমন খুসীমনেই বিদায় নিল ।

সবুজ ফ্যাগ উড়িয়ে গার্ড ঢুকে গেল কামরায় নিরুদ্বেগ

নিমেষে এক দৃশ্য দিল সময়টা

দীর্ঘশ্বাসে ফুটেছে কার কিসের আবেগ ।

কোথাও যেন কারা ছিল

মান মুখে যে, তারই পিছু পিছু

প্ল্যাটফর্মে হাঁটছি

আমরা যেন মৌন-মুখর হাঁটছি ।

বিদায়ীর সে-সঙ্গ ছেড়ে বিমর্ষ কেউ সন্ধ্যামুখে

হিমেল হাওয়ায় শরীর ঢেকে

আমরা সবাই এ গুর পানে চাইছি !

এস, এস আরো দ্রুত, এবার ফিরি বাড়ি

অনেক মুখ দেখতে দেখতে, দোকান পসারি ;

মনগুলো নব আগোছালো —

শুছিয়ে নিতে, ঘরের হতে

সব কিছুকে বিদায় দিয়ে এস, আমরা সেই কিনারে ভিড়ি

আমরা কারা ঘরে ফিরেই হবে চেনা

একান্তে সব -

এস, এবার ফিরি ।

সূর্য্যাকে সূদূরে রেখে.

মুক্তির খবর পেলাম –

শুধু উর্ধ্য থেকে গেছে অগ্নিগর্ভ অস্তরীণ দিন
উষ্ণ রক্তের সঞ্চালনে যুরপাক খায় স্বপ্নেরা,
স্বপ্নির আচ্ছন্ন সত্যায়
সংঘাতে অসহায় চিল
বাইরে ছর্ব্বহ দিনে উদয়ান্ত পরিশ্রমী হাওয়া
রূপালী পর্দার দৃশ্য হয়ে' ফিরিনি কখনো
– আমাদের সবুজ মাঠে জীবনের কৃতিত্বের দাবী
কেবলি সোচ্চার।
কয়েকটা জালিয়াত প্রতিনিধি
মুখপাত্রের নামে ঢের চালিয়েছে ভীষণ বজ্জাতি
বজ্জের শঙ্করা মান তাদের ছকুমে।
জল হ'তে পারিনি আমরা, শুধু সজল নয়নে
হতবাক বরফ জমাট
পড়েছিল ইতঃস্তত ভার হয়ে' নিজেদের অবরুদ্ধ প্রাণে।
সূর্য্যাকে সূদূরে রেখে কেন শুধু নামিয়েছে শীত
আমাদের জীর্ণ ঘরের কড়িকাঠে
অকালে মরেই গেছে কত শত শুভেচ্ছা আশীষ।

আমরা পরোক্ষে আছি

এখানে আসতে হয় দায়বদ্ধ জীবনের উত্তাপের ভোগে
অস্থির সে উপভোগে আসতে হয় ঝলমলে আলোয়
পরিচ্ছন্ন পরিবেশে – অংশতরী খরচ মেটাতে ।
এখানেতো সারি সারি দোকানপসারি আকর্ষণ তোলে,
মানুষের প্রয়োজনে মানুষ তৎপর
যার যত সাধ্য আছে, হাসাচ্ছে বিপনি উদ্ধৃত চালে
রঙিন মোড়কে মশগুল পণ্যের ধার্য্য দরদাম –
স্থানীয় কর যোগ করে’ সততার বৈশিষ্ট্য মেলাই
বিক্রিত হাসির মূলধন ।
পণ্য মূল্য ক্ষীতক্ষুর্ত নানাবিধ ট্যাক্সের বোঝায়,
রকমারী চাঁদার দাবিতে,
আমরা পরোক্ষে আছি উহাদের সাধ্য সাধ নিয়ে
ওতপ্রোত ; নিত্যকার জীবন নির্বাহে ঘাটতি মেনে শুধু
ব্যথার হিসাব কষে মনে মনে
নিষ্ফলা মাঠ নিয়ে ইতঃস্তত বাবলার ঝোপে
জোনাকি ছড়ানো বিষন্নতায়
এ ব্যাপক অন্ধকারে
মিলিয়ে যাইনি আমি দায়বদ্ধ সংসারে ত্রিয়মান হীতে ।

ভাগফল মেলাবো কোথায়

মেয়াদ উত্তীর্ণ, তাই ফিরে তো যাবে সে
আসা বা যাওয়ার এই পথে তার পায়ের উৎক্ষিপ্ত ধুলিতে
গোধূলি নাগবে ঠিক শেষ নমস্কারে ।

আসন্ন ধূসর লগ্নে জীবনের সুর
বিষন্নতা কী ছ'ভাগ ক'বে কুয়াশা কী ঘটাবে ব্যবধান
ভাগফল মেলাবো কোথায়
পত্রাক্ষের হেরফের যদিও উত্তরে ।

রঙের যাদুতে সব উত্তীর্ণ হয়ে যায়, সমস্ত স্থান
পতন মূর্ছার ঘোরে সব ক্রটি সন্নিবেশ ক'বে
মনেও রাখবো নাকো কিছু কিছু ফুক আচরণ
মানসিক ভারমুক্ত সফল কোঁতুকে
চরিত্রের রূপবেথা স্মৃতির কঙ্কাল ,
অবিকল সেই ভঙ্গী সেই কর্ণে কথা
সগর্ব ঘোষণা যত, উদ্ধত বিনয়
উৎক্ষিপ্ত এ ধুলিতে ইন্দ্রজাল মেশাবো রঙের
তাই কখনো কোঁতুকে ।

সময় কঠিন হ'ল

কি জানি কখন অতর্কিতে আহত হতে হবে, হিংসার উৎসবে
চতুর্দিকে - সন্ত্রাস

মানুষ কোথায় আজ নিরাপদ জীবনের আশ্বাসে ।

সময় কঠিন হ'ল, অনাহত অতীতের স্মৃতি নিয়ে অবিখ্যাত গৌরবে
চোখ জলে আজগুবি যুগের নিরিখে

হয়ত বা ভালবাসে পরাধীনতা - ইজিতে আভাসে

রক্ত, ফাঁসি, দেশপ্রেম - মূল্যায়নে নিজেকেই ধিক্কার জানায়

ভাঙা বুকে হতাশার বর্ম এঁটে কোথায় দাঁড়াবে

ঋণে ঋণে নিমজ্জিত শিরজ্ঞান মাথায়

নির্জন সীমান্তে কিংবা ভাবনার অভ্যন্তরে হবে আবাসিক

বিগত দিনের মনে অঙ্গীকার রেখে প্রত্যাশা হারাবে !

ঠিকাদারী আগ্নেয়াস্ত্রে নিরাপদ হয় কার জীবন, সম্পদ

ভারী বুটের আওয়াজ তুলে সড়কি ঘুরিয়ে

—অদূরে জলছে ক্ষেত—থরার আপদ ;

দিগন্তের পারে সব জনপদে দারিদ্র

অকেজো গভীর কূপে বিপ্লবী গাগরী ভরে নেয়

সবুজ স্বপ্নের খুঁটি প্রহসনে একজোটে বিছাতের ঘাঁটি

ছেলে ছলে নগ্ন নৃত্যে কেন যেন ছেনেছে ক্রকুটি ।

সময় কঠিন হলে

বয়েসীর চোখে জলে সেই সব নিশ্চিত দিনগুলি

তরুণের স্বপ্নে আজ মহা সর্ভ আরোপিত ঋণে

'সহজ কিস্তির' বোঝা টানে ।

কারারুদ্ধ নজরুলকে ভেবে

কেউ আর প্রতিবাদমুখর লেখেনি কোন চিঠি
তীর তেগন ভাষায় অগ্নিবর্ষণে পুড়ে যেতে পারে
কারাদপ্তর ।

অথচ আশ্চর্য, অবাক –

কটা দশকের লাঠি, গুলি, কাঁদানেগ্যাস
আটক এবং পর পর ঘটনায়
কী মস্ত্র লেখনী সব নিকরুৎসব হয়ে গেছে !

ওরা তো মশগুল আছে নিজেদের চেতনা হারিয়ে,
কে শুনবে কার কথা রমনীয়তার সযত্ন ঘেরাটোপ থেকে ।

পুঞ্জীভূত ক্ষোভের ফলশ্রুতি তুমি কি নজরুল ?

তাই কি বিকৃতমস্তিষ্ক হয়ে' নিস্তক নিথর ?

অথচ এতদিনে

ভীষণ অন্যায় আর অবিচারগুলো

অভিনব প্রশ্নে পাহাড় হয়েছে ।

এখন মুখর হলে ষড়যন্ত্রীর অস্ত্রে তুমি কি নিখুঁত

জ্বলে বসে হয়ত বা নিহতই হতে ;

কিংবা কোন সর্ভে ছাড় পেলেও জীবন্মৃত তুমি

কিছু বলতেও পারতে না অনায়াসে

মুখে যা যা কথা আসে ।

তোমরা কি উড়িয়ে দিচ্ছ

এক ঘড়ি অন্ধকারের প্রতিপদ নিয়ে বসে আছো - তোমরা কারা ?

স্নুইস গেটের চাতালের উপর গল্প বসে

তোমরা বন্ধুরা সব বুঝি

হৃৎসময় জুড়িয়ে নেভাও জোনাকীর মত জলন্ত সিগারেট ;

আন্তর্জাতিক আলোচনার মুখরতা মেশাও

ধূসর জলের একটানা প্রবাহ - শব্দের ।

আবশিক জমার মত জমাট চিন্তা কিছু দ্রবীভূত হয় -

নারী আসে প্রসঙ্গ ব্যতীত

শব্দগুলো পরস্পর মিশ খায় কিনা রসায়ন জানে ?

তোমাদের গান কই ?

কিছুটা বেহরো হোক, তবু উচ্ছ্বাসে এই পটভূমি

কানায় কানায় উচ্ছলিত হত

যেমন দেখেছি আগে -

- এবং শুনেছি

বিশেষত: শব্দ আর বসন্তের বৈকালিকী ভ্রমণে

উত্তীর্ণ সন্ধ্যায় এই আসনে

রবীন্দ্র, রজনী, অতুল

অথবা নজরুল ।

এক খড়ি অন্ধকারের প্রতিপদে তোমাদের প্রতিবাদ আছে জানি

অলীক ইস্তাহারের প্রতিশ্রুতি

কুচি কুচি করে ছিঁড়ে তোমরা কি উড়িয়ে দিচ্ছ

নির্বিকার জলে ?

জ্যোৎস্না উঠলে তোমাদের ম্লান মুখ

দেখতে .. দেখতে...দেখতে

পূর্বসূরীদের ভূমিকা ভাবতে ভাবতে

আমার ভাবনাগুলো মিশিয়ে দিতে হবে

একটানা প্রবাহ - শব্দের ।

আপোষরফায়

এখন আর ভালবাসা নিবিড় এবং গভীরে অন্তরীণ নেই

এখন আর ভৎসনার শরশয্যা কেউ পাতেনি

আদিগন্ত বিস্তৃত

সমগ্র পরিচিতি জুড়ে – জীবনকাল ।

এখন প্রকাশিতময় প্রেমের কথোপকথন

যন্ত্রযোগে উচ্চগ্রামে ধ্বনিত

অনেক আলোর তীব্রতায় ধাঁ-ধাঁ শুধু

অনেক ছায়ার ঘনিষ্ঠতায় অন্ধকার

আমাদের দ্বিপাক্ষিক চুক্তিবদ্ধ সংসারে জীবনবীমার কদর

ভালই জমেছে

নিয়ত

প্রতিনিয়ত আপোষরফায় ।

অভিযোগ যত অনুরোধে কপাস্তরিত ক'রেও

মূল কাহিনীর অভিমান

অজস্র অনুরোধে যা হয় –

মর্মে মর্মে নিষ্ফল ক্ষোভে জ্বলে !

বিনম্র হবার বিবর্তনগুলো

সঙ্গতি হারিয়ে সুস্পষ্ট এখন –

এখন কান্না ঝরাবার নিজ'নেও কোলাহল ছোট্টে

ভালবাসা আর নিবিড় এবং গভীরে অন্তরীণ নেই ।

মানুষের অন্তনাম এখনো দুর্গত

কত-কি-যে ভেসে গেছে, ডুবে তলিয়ে গেছে

এখানে

পরিচিত মুখ ঘনিষ্ঠ আত্মীয়-স্বজন

কেউ কেউ উঠেছে ভেসে ঘোলা জলে

দুঃস্মৃতির মত ।

সনাক্ত ক'রবো কাকে - কে ক'রবে তদন্ত কাহার

গলিত বিকৃত দেহ সেই সব বন্ধুরা নিখোঁজ ;

ভাসমান খোড়োচাল থেকে আর্তস্বর ভেসে আসে দূরে -

কাছে, মগডালে অহিংস বিষধরের সহবাসী ওরা কারা ?

ওরা কি মানুষ ?

কী ভীষণ নিজ'নতায় শব বিভীষিকাময় !

কঠোর যন্ত্রনায় কেউ কেউ নিশ্চল অশ্রুহীন পাথরের মত -

এখানে আকাশ তোলপাড় করে শুধু এক

শব্দ আগন্তুক

সাহায্য সহাতুভূতির প্রশ্নে তোলপাড় মানুষের মন ভাঙা খোঁজে -

আমরা অগাধ জলে কিংবা জল বেষ্টিত সবাই

কত-কি যে ভেসে গেছে, তলিয়ে গেছে প্রতিশ্রুতি

যত বিশ্বরণের বাণী গভীরে পচে হয়েছে দূষিত

সাজানো গোছানো সব দৃশ্য-রূপ সম্পদের ক্ষতির হিসাব

মেলালে অঙ্কুরা হারায়

মানুষের অন্তনাম এখনো দুর্গত ।

কেবলই উষ্ণতার খেলা

যে আগুন খুঁচিয়ে তুলেছ
এই আছে, আয়ুকাল তার কতক্ষণ বলো ।
একটুকু উষ্ণতা নিয়ে
ছাই-ভস্মে মেজে ঘষে অবশেষে অদ্যতন ভালোবাসা
এ আমার পানপাত্র ধুয়ে মুছে
পরিচ্ছন্ন হলে সার্থক, ধন্য হই তুহিন শরীরে ।

কিসের মিতালি এত, — এই প্রশ্ন
সঙ্গে নিয়ে ঘুরেছি সর্বত্র যত রহস্য আবেগে ;
অক্লান্ত আদিমতাময় এই দেহ এত বর্বরতা
বিচ্ছেদের বিবর্ণতা
সময়ে সময়ে কত সং সেজেছে তো অভ্র-আবীরে ।

আমরা মুখোমুখি সলজ্জ আডালে সহস্র বৎসর
পুরণো কথার পুনরুক্তি জড়াই
নির্জনতা খুঁজি যত আক্ষেপে, আদরে
কেবলই উষ্ণতার খেলা পরাগে রাঙানো
অথচ অমর্ত্যালোকে যাবার প্রস্তুতি
চিরায়ত কামনার শঙ্কগভীরে

বয়েসের সঙ্গে সঙ্গে

বয়েসের সঙ্গে সঙ্গে কার ইচ্ছায়
রক্তের চঞ্চল স্রোতে
কাগজের নৌকোগুলো ভাসে
পাহাড় পেরোনো নিরুদ্দেশ নদীর উপরে
স্তিতধী আকাশে
উধাও মেঘ
পলাতক পাখীদের কাছে
কতবার অকারণ যাতায়াত ঘটে ।
দিগন্তের প্রবেশ ঘারে ঘুরে ফিরে এসে
জাগর স্বপ্নে ভরে থাকা অদম্য ইচ্ছায়
রোমাঙ্কিত কন্যাদের মন ছঁয়ে গড়ে ওঠে
স্বরম্য বসতি ।

বয়েসের সংগে সংগে
রক্তের ছরস্তুপনায় স্মৃতিরিকা প্রকৃতিও
প্রমত্ত প্রমোদ কখন
এক-ধর পাত্তের রূপ ধরে ।
প্রতিরক্ষার জন্তে যৌবনের সমস্ত শপথে
প্রশ্রয় পায় ক্রমে পাণ্ডুরতা—
প্রৌঢ় কুয়াশায় ঢাকা নিস্তরঙ্গ নদী যেন
আদিমতা নিয়ে
বিস্মরণে
বরফকুচির নৌকোগুলো নিজ্জনে ভাসায় ।

অনাথীয় অন্ধকার

তন্না, ঘুম জাগরণে একা কী-রাত কাটাই সেখানে ;
রাত্রির হরেক শব্দে সচকিত উৎকণ্ঠিত আমি বার বার
ছম ছমে ভয়ের কালো হাত সারারাতই হাতড়ায় ।
এখানে দেখছি বেশ জমকালো যুগের সম্রাট
রাজকীয় বেশভূষা – জরি, চুমকী পুঁতির কারু কাজ
সখী, রাণী, সভাসদ, মন্ত্রী, প্রজা ও মৈনিক –
সাহায্য রজনীর পালাগানে ।

বিরাট তাঁবুর ভিতর এত মুখ, আলোর রোশনাই
তবু ফিরে ফিরে উঁকি-ঝুঁকি – একা... অন্ধকার...
উৎকণ্ঠিত রাত
শিশুদের নরম চঞ্চল আচরণ ;

নাচের বাজনার সংগে অদ্ভুত কেমন
এই সব খাপছাড়া বিপন্ন ভাবনা ।

যুদ্ধের বাজনা সুরু হতেই আবার
ঘুমন্ত বালকের গত তড়ি-ঘড়ি উঠে পড়ে' দেখা
পিছনের রাজাদের কাল ।
সময়ের ব্যবধান কতটুকু আর
তবু রাজকীয় বেশভূষা ।
পিছনের যুদ্ধক্ষেত্রে তবু উঁকি-ঝুঁকি
– সেখানে ও মুখোমুখি অনাথীয় এই অন্ধকার ।

বিলাপ থেকে উদ্ধৃতি

(ঘর আর হ'ল না কোথাও
পরিদর্শনের মত এক একবার যাই
দেখতে দেখতে একটা বৎসর কেটে গেল)

কী আর দেখতে যাবো
নাটকটা হারিয়ে গেছে
গোনা ধরেছে বাস্তবিতায়, ঘুঘু চরছে
স্বপ্নের সবই শেষ ।

কোন মাটির সংস্কার হবে ?
কেবল শ্মশান – কেবল সমাধি
কঙ্কাল আর পোড়া কয়লার গুঁড়ো
আমার পায়ে পায়ে দলিত পূর্বপুরুষ
আমার করজোড়ে বিষন্ন প্রণাম
নিয়ত আমার পিছু ফিরছে ভয়, ভূত, আশংকা

যারা আছে, তারা আছে ওখানে
যারা থাকবার তারাই
এখন একটু ভালবাসে, কুশল প্রশ্নে চকিতে
মায়া জাগায়, মনটা ভরে ।

শহরের উপকণ্ঠে আমি পরবাসী,
ঘর আর হ'ল না কোথাও

ফিরতেও পারছি না আর

পরিত্যক্ত শ্মশানে আবার

(এই ভাবে হাঁটি – পণ্য আর প্রাচুর্যের
মধ্যে, বোবা কান্নায় ভেঙে পড়ি)

ক্রতগামীদের জন্মে কেবলি পথ ছাড়ি

পথটার প্রান্তে কখনো – কখনো একেবারে
মাঝখানটিতে হাঁটা

আমাকে কুরে কুরে খাচ্ছে যে-সব ভাবনা

এবং যন্ত্রনার সৃষ্টি হচ্ছে যে-ভাবে

তার আর নিষ্কৃতি নেই ।

আমার পৌছানো, ফেরা
মোড়, বাক, পথচারী, ভীড়
যানবাহনের জট, প্রাচুর্য
এই সব পার হতে হতে এক-শেষ ।
অথচ বাস্তব মানুষ, পণ্য-সস্তার
এই আমাদের প্রাণকেন্দ্র
ক্লাস্তিকর উৎসব প্রত্যহ !

(আত্ম অনুভবে হতাশাস ছাড়া আর কি জোটে)

এই কটা কথা আমি লিখে লিখে
প্রায়ই ছিঁড়েছি -

‘আমার মৃত্যুর জন্য কেউ দায়ী নয়’—

এই কথা আমি অনেক ভেবেছি

‘আত্মহত্যা পাপ’

টেনে-ছিঁচড়ে নিয়ে যাওয়া এমন সব দিন

অনেক যাপনা হ’ল

দুর্ভাগ্যের সংগে সংগ্রামে কেউ দেখেনি

রক্ত ঝরতে

তবে রক্ত কি ভিতর থেকে শুকিয়ে যাচ্ছে ?

অথবা সময়ের মত জল হয়ে চলেছে

লাল স্রোত — অদৃষ্ট

ঈশ্বর নির্ভর জীবনের জঞ্জালে কর্মফল

আর নিয়তির কি নির্ভর অবস্থিতি !

কখনো নিজের হাত দুটি মেলে ধরি

রেখাগুলো পড়তেও পারি না ছাই ;

সময়ের হাঁকে আবার উঠি

আকাশের ছায়া-ধরা স্ফটিক বুদ্ধদ ;

নাড়ীর স্পন্দন খুঁজে টের পেতে চাই

জন্মদাতা

আর - আর সেই ঈশ্বরের অনুগ্রহ

ত্রিশঙ্কু সবাই ।

মুখোমুখি

পশ্চিমে শ্মশানঘাট, রাস্তার পূর্বপ্রান্তে বাসা
বাসার ঠিক পাশেই দশকর্মা, জালানী কাঠের দোকান
দোকানে উনি, বাসায় আমি আর হাঁড়ি কলসী কাঠ
সারাদিন শব যায় - সারারাত বিকট চিংকারে হরিধ্বনী
অস্তুরাত্মা কাঁপে, তবু দেখি শবযাত্রা, দেখব না ভেবেও
পশ্চিমের জানালা খোলা থাকে, চিতাচুল্লী ধোঁয়া

উত্থনের ধোঁয়ায় চোখ জালা করে, জল ঝরে অস্তিত্বে
আমাদের দোকানের কাঠে অরণ্য মুখ কি দারুণ পোড়ে
সাজানো থাকে না আর চিতার শয্যা, সাজানো শরীর

রাত্রির গভীরে সচকিত কতদিন বিনিদ্র আমরা
উদ্বিগ্ন আকুল প্রশ্নে পরস্পর তাকাই অন্ধকারে
আয়ুকালের আশংকা জাগে - কেবলই আগলাই

নিদ্রিত বংশধর - আমাদের ভবিষ্যৎ - কাঠের দোকানি
যার দিন নেই, রাত নেই, ছুটি নেই -

কেবলই সাজাবে

হাঁড়ি কলসী কাঠ ; - একদিন আগুন নেভাবে
পশ্চিমে শ্মশান ঘাটে,

হাঁড়ি ভেঙে শোকস্তব্ধ পূর্বমুখী ওরা
পিছনে তাকাবে না একবারও, ফিরবে বাসার
অনিবর্তী কালের স্নানমুখ চিরস্ত শ্মশানে !

হারানো অতীত এবং প্রেম

যখন পুরণো কথাই উঠলো, আমাকে ফিরতে হবে
দুঃস্বপ্ন দিনের স্মৃতিতে দ্ব্যতিময় উৎসাহ অশ্বেষণে
রঙচটা বাক্সের একেবারে নিচে একগোছা চিঠি
বিচ্ছেদ কেমন করে আসে তার ধারাবাহিক কাহিনী
বাবুইয়ের বাসা শুদ্ধ তালগাছ মুণ্ডহীন কেন
কবেকাব বজ্রপাত ?
পতিত জমিটাব নিজ'নতা, আগোছালো বাগানটায় এস
নিসর্গ, যা কিছু ভাল লাগার সব ঘুরে ফিরে
সিন্ধাস্তে আসতে হবে পরিত্যক্ত ভুতু'ড বাড়ীটায় কাব নিবাপদ আবাস
এ আবার বঙ্গভূমির উপকথা
হাবানো প্রাপ্তি ঠাইগুলোব নির্দেশ ।
অভিজ্ঞ বন্ধুবা এখন আর সময় পাচ্ছেনা
আমি যাই – আমি একই, হারানোর আবিষ্কারে
এই টিবিতে কিছু খোঁড়াখুঁড়ি, হযত অকাবণ
অতৃপ্তির চেতনা ছড়িয়ে পরিতৃপ্ত
সবুজটা হলুদ হলেই প্রত্যাবর্তন
ধূলোকে ধন্যবাদ সব কিছু ধূসর কবে
সব কিছু মাটি করে, মাটিকে প্রণাম ।
আগুনের উপর গভীর আস্থাতে অঙ্গার
তাও নিশ্চিহ্ন
আমাকে ফিরতে হবে অশ্রু'আপ্নত কাকজ্যাংস্মার ভোরে
ক্রমশঃ দূরে, সূদূরে মিলিয়ে যাবে
নিরাসক্ত লীলাভূমি , কোলাহলে মৌড়া গন্তব্যস্থলে
স্বাবর আর অস্বাবরের অমোঘ আকর্ষণ এখন স্তব্ধ
আর সব কিছু অনর্থ মনে হলেও স্থির থাকবে
অতীত, বাঙ'ময় দৃশ্য অন্ধকার এবং প্রেম ।

দাঁড়িয়ে আছি

খুঁজে নেব, মিলিয়ে নেব অস্পষ্ট পরিচিত মুখ

কবে দেখা হয়েছিল

একবার

আপত্তো আলাপ অবয়ব

এই আমি দাঁড়িয়ে আছি

হঠাৎ – হঠাৎ ভীড় আমার চতুর্দিকে

ট্রেন থেকে, বাস থেকে, সিনেমা থেকে মানুষের উচ্ছ্বাস

আগাকে নিরীক্ষণ করতে হচ্ছে

দূরে

অদূরে উৎকর্ষার ঝলক দৃষ্টিতে

যেমন

টান্দির চশমার ভিতরে ছানিপড়া ঘোলাটে তুই চোখ

খোঁজে স্মৃতি – কটা দশক পিছিয়ে যায়

তারপর হেসে ওঠে সাগরের হাসি

যেমন

অনেক রাতে যে যুবক পথ চলতে হঠাৎ গান গেয়ে ওঠে

কিংবা ধান কইতে যে কৃষাণ স্বতঃস্ফূর্ত সুরে

সম্মোহিত করে সারা মাঠ

এখন দাঁড়িয়ে আছি ফুলের দোকানের পাশে

সেই উৎসুক চমকে

উৎসব অতিথিকে পেতে চাই

আসবার কথা তার

উচ্ছ্বাসিত হাসির শুভেচ্ছায়

সমস্ত চেতনায় এখন উদ্বোধনী গানের মহড়া

নবীন বরণের প্রাকালে বেঁধে রেখেছি দেবদাক পাতারতোরণ

দাওনতলার মেলা

দাওনতলার হাটে পয়লা মাঘের মেলায়
মূলতঃ যাত্রাগানের আকর্ষণেই যাওয়া,
- এ ধারণায় আমার সংগে অন্য যাদের মিল
এবং গড়মিলেতে নাগরদোলা. ম্যাজিক বদল-হাওয়া
কেনা কাটায় ভীড় জমিয়ে খুলেছে সব দিল !

মেলামেশা - অনেক কথা বলার জন্মে,
নিবিড় হওয়া - একটু কোথাও কাঁদার জন্মে অস্ততঃ
একটু বেশী অকারণের আড্ডামাফিক হাসিতে ,
অস্থায়ী এক দোকান-দেওয়া বন্ধুকে
সবটুকু আর হয়নি বলা অসংকোচে অস্ততঃ ।

গ্রামে-গাঁথা চতুর্দিকে আড়াল সব
সবদিকেতেই লোকের আনাগোনা
দৌড়ে-যাওয়া চওড়া পথে এবং খালের বাঁধে
নাগাড় হাঁটাইটি - ;
মাঠের নাড়া ছমড়ে পায় পথ হয়েছে খাটো
তিসির ক্ষেত মাড়িয়ে আসতে-যেতে গল্পশোনা
সময়ের সলতেটুকু কমিয়ে রেখে চলন ছিল মাঠে ।

নানা মুখের আদল যেন ফুলের স্তবক
যেন আগাম চেনা জানা
কি যেন কি পেয়েছিলাম প্রদর্শনীতে ;
খোলা-মেলায় কেমন বাঁধা একটা দিনের আস্তানা
স্থানান্তরে রাত কাটানো এগন শীতে
জানতে ইচ্ছা কি রোমাঞ্চ নগদ বেচাকেনায়
আবার মেলায় আবার যাওয়া যদি ঘটে
তোমার আদল থাকবে এখন
দোকান দেওয়া ঘটিবে হাটে ?

প্রতিদিন নতুন মহড়া

উদ্বোধনের আগেই শোনা হয়ে গেছে সমাপ্তি সংগীত
আমাদের শেষ মহড়ার ।

অস্টিমতায় পৌঁছে যাওয়া ভূমিষ্ট শিশুকে
কান্না ভোলার কোলে নিয়ে কাঁদে এই সেই মঞ্চ ।
কিছু কিছু সাজগোজ দেখা হয়ে গেছে
স্বরুর আগেই সাজঘরে

এই মৃত্যুর চেনামুখে বিছাতের আলোর ঝলক
বেহালার ছডেটানা কিছু কিছু কাঁপা ঢেউ ওঠে
তীরের জীবনটাকে রোমাঞ্চ জাগাতে কী আসে ;
দৃশ্যেরও কিছু কিছু

মেঘে লাগা সব রঙ্ জানি মুছে যায়
দূরে দূরে অন্ধকার – কোথাও কোথাও
কিঁ কিঁদের বিরাম-বিহীন শব্দ আসে
শ্মশানের কলসীতে

প্রতিদিন উদ্বোধন

প্রতিদিন নতুন মহড়া

প্রতিক্ষণে মঞ্চস্থ আমাদের জীবন নাটক
অস্টিমতায় পৌঁছে যাওয়ার আগে
ভূমিষ্ট শিশুকে রাখে, মঞ্চেতে আবার ।

শুকায় না বকেয়ার ক্ষত

এই মুহূর্তে কি ভাবছো ভাবনা কি থাকে না অস্তরীণ ?

কার, ক্রান্তি জুড়িয়ে কে ঝিমায় আদিগন্ত –

অস্বস্থতাকে হিসাব-নিকাশের খাতে বেঁধে

বরাদ্দ হয়েছে সময় ঠিকই ।

এখন ছ'চোখে শুধুই কুয়াশা ছোপ

বকেয়া ধার বাকিই

দৃশ্যমান করতে চাইনি ছরস্ত সোনার হরিণ ।

অগ্রিম অন্ধকার নামতে দেখ সোনালী দৃশ্যপটে

দশদিকই বিভ্রান্তি ভরা

রঙ্গ দেখছো চিমনির ধোঁয়ায় পালিত ভালবাসার

সংসাব মিশিয়ে ।

কি কুক্ষণে ভালবাসো অকপটে

দায়বদ্ধ হতে আত্মহননের একাত্ম চিন্তায়

মুক্তির এই মাত্র পথে বাৎলে দেয় কানে কানে

বীভৎস কোন কালো মন্ত্রণা ।

পুনর্বীর ফেরা ও নিজেকে

ভোগ-সুখ-সন্তোগের পৃথিবীর রোদের জীবনে ,

নেচে ওঠে পুলকি অঙ্গরা ।

তার ইচ্ছায় জড়ানো তবু যন্ত্রণায় অক্ষুট গানে

ভিতরের ভাবনা কে ঝুলিয়ে রাখে

কাপালিক মেঘের মত ;

প্রাত্যহিক উপস্থিতির দায়িত্ব নিয়ে বাড়ন্ত তেজে সংযত

সেই তো ঘরেই ফেরা বিশ্রামের টানে

ঝুলে যায় ওপার থেকে বন্ধ কপাট,

হিসাব-নিকাশের খাতে বাঁধা জীবন তোমার

শোধ করে ঋণী হয়, ধার দেনা শোধ

ঋণের চক্রান্তে আবার ঘটে তো বিভ্রাট

আত্মহননের পৌরুষে শুকায় না বকেয়াব ক্ষত ।

অতিক্রম ক'রে যাচ্ছে

দূরে, অদূরে পাশ দিয়ে অতিক্রম ক'রে যাচ্ছে রমণীরা

অতীত, বর্তমান আর ভবিষ্যতের মত

দৃশ্য হয় – মিলিয়ে যায়, স্পর্শহীন

অনবরত ছবি

তবু রঙ-রেখা শূন্য নিরুদ্দিষ্ট আমার যা কিছু

সত্য আর সত্য

জীবনটাকে খুঁজতে খুঁজতে কোটরে নির্বাসিত

তাও তো ক্ষণিক

আমি কতদিন – কতক্ষণ থাকতে চেয়েছি ওখানে

– কতটুকু ছিলাম !

আবার নিষ্কিপ্ত

বার বার অসহায়

ক্লান্তিময় সেই একা,

যুমের প্রার্থনা মঞ্জুর হয়নি এখনো

আমি বেদ-

আমি অভেদ

বিরহ অনন্ত

পরক্ষণেই আমি বলি শব্দহীন চিৎকারে

কিছু নয় কিছু নয় আমি

অস্তিত্বে যুগপৎ যন্ত্রণা আর জরভোগ চলছে

চার পাশ দিয়ে অতিক্রম করে যাচ্ছে

মহার্ঘ সময়, অশেষ রমণীরা.....।

সাজাতে জানি চিতা

কিছুক্ষণ

ওখানে গেলেই খোস মেজাজের গল্প,
কাজের পরেই ফিরতে কিছু দেরী হয়ত হবে
নিঃশব্দেই বেজে যাবার সময়টাকে নিয়ে
যদিও জানি চলেই তুমি যাবে
জানবে সোজা জমে গেছি উতাল হাস্য রোলে ,
আড়াবাজ হৃদয়টাকে বাজিই রেখে দিযে
সাজাতে জানি চিতা

দেখো তবে দূর থেকে ঝলমানো সেই দেহ
অমানুষ সেজে আছি
কত আর সদগতি চাই ?

এখানে আগুন নিয়ে চিবকাল আছি
কতদিন কতকাল
চিবকাল !
শেষরাতে কেউ এসে খুঁজলেই
নিয়মিত জালবো সকাল ।

গল্প জমে

আবার কিছু গল্প জমে নদীর মনে
কাকজ্যোৎস্নায় । আবার নতুন আলিঙ্গনে.....

রাতভোর তৃণাঞ্চলে শিশির ঝরে
পাহাড়ী ঢল – আদিম নদী বসিয়ে রাখে, চেউ দেখায়
দূরের শৃঙ্গে দৃষ্টি চলে না আর
জ্যোৎস্নায় ম্লান উপত্যকা কেবলই কুয়াশায় পলকহীন
ভবিষ্যতের কী রূপরেখা আঁকে ।

আমি মোহনার দিকে মুখ ফিরিয়ে নিঃসঙ্গ বিরাগে
প্রাণতি জানাই সমুদ্রকে
আমার হাত তুটি সে মেলে ধরে বিষণ্ণ নির্জনে
আমাদের আগুন যত নিভতে নিভতে
ছাই হয়ে যায় – দাহ শেষ !

আমাদের যুদ্ধ শেষ, শিবির ভাঙার আয়োজনে
কিসের প্রদাহ তবু, কিছুক্ষণ কথা ফুরায়
আমরা পরস্পরের কাছে কিছুটা নিরুদ্দেশ

পাহাড় ভাঙা পাথর যেন স্রোতের টানে
গড়িয়ে যায় অল্প দূরে ; সন্ধি করার এ সর্তে
আবার কিছু গল্প জমে নদীর মনে
কাকজ্যোৎস্নায়, আবার নতুন আলিঙ্গনে.....

সময় ফেরে না কারো

কে কার শুভার্থী বলে। সমব্যথী অকুপণ হাত
ছ'চোখের অন্ধকার মুছে কে পারে জালাতে বলে।
আলোক-বৃত্তিকা

সব সময় দুঃসময় এখানে
কে কার ফেরাবে সময়
কে আর বলবে 'সুপ্রভাত।'

একযোগে ঝড়-ঝঞ্ঝা
বজ্রসহ অশান্ত বর্ষাণে
সঙ্কীর্ণ এ পৃথিবীর সবদিন এমনই দুর্দিন ;

নবজন্মে আনন্দ নেই কোন
তিরোপানে দুঃখ নেই তেমন গভীর ;
অস্থায়ী সব শোক
অশোচ কেটে গেলে ভয়ংকর একা একা দিন।

দিন আর চলে না, তবু কাজ নিয়ে
ফুরায় দিন-রাত
সময় ফেরেনা কারো
ফেরাতে পারেনা কেউ ফেরারী সময়
আতঙ্কে পোহায় শুভরাত।

এক তরফা প্রেমের মত

কেবল হাওয়া -

আগন্তুক হাওয়া

পশ্চিমী হাওয়ার উৎপাতে ঝাপাতার পাক খাওয়া কেবল !

উদ্ভাস্ত বেশবাসে প্রকৃতির

বৈকালিকী প্রসাধনে বিভ্রত

গল্পের জমাটি আসন্ন সব মাটি হয়ে যায় ।

অথচ এই চাতক মাটি হতে চাষ একান্ত সরস

পশ্চাদভূমে গভীর আকৃতি - এক তরফা প্রেমের মত

চাওয়াব নম্রতা চাই - চাই জলদ মেঘ, বর্ষণ

তারই তল্লাসী চাপায় এক ঝাঁক আকাশের চিল যেন

ধূলোটি শরীরে কারা সব উচ্ছিন্নের মত

ক্রান্ত হয়ে আসে ?

ঈশানের মেঘে ভাসে তাদের উচ্ছ্বাস

উঠানে মেলা ক্ষেত ,

ওবা নেপথ্যের আবহাঙ্গিনী ।

দূবে অস্পষ্ট অলস বন্দরে

জীবিকাব অন্বেষণে এসে এসে ক্ষান্ত হয়ে ফিরে গেছে যারা

তারি পথচারী বুঝি, -

জাহাজের আনাগোনা, ব্যস্ততার সংকল্প যজ্ঞে

বিজড়িত যাবা

তাবাও সঠিক জানেনা

কতদিন পোতাশ্রয়ে নোঙর করে থাকবে বিদেশী জাহাজ ।

- কেবল মনে হয়

খালসীর অভাবে খেসারত গানে ধূসর বন্দর,

সে যেন এলোমেলো হাওয়ার প্রকোপে বিপর্যাস্ত

এক তরফা প্রেমের মত বিকলাঙ্গ

পশ্চিমী হাওয়ার উৎপাতে পাক-খাওয়া কেবল !

হাতফিরি

সেই সব মৃত অন্ধকারে
আমাদের পূর্বপুরুষেরা ভস্মলীন
সকলকাব তো সমাধি মন্দির নেই
শিলাতে উৎকীর্ণ হয়নি

সকলকার নাম ।

সাধাতীত না হ'লেও
শ্মশান গ্রাস ক'রে নিতো জনপদ ;
চোদ্দ পুরুষের ভিটা
নাম গোত্র যাদের আমরা গচ্ছিত বেখেছি
শ্রাদ্ধ এবং বিবাহ অনুষ্ঠানের মধ্যে
তারি আমরা সযত্নরক্ষক ।

পুরুষানুক্রমে

আমরা নামগুলো গচ্ছিত রেখেছি
কালে কালে ওগুলো বাড়ছে

এক পিঁড়ি - দুই পিঁড়ি -

উত্তর পুরুষের হাতে হাতে ফিরছে.....

পুৰাতন হতে হতে আবার

লিখছে আবার তার নূতন পুরুষ ।

বংশের মমতাঘেরা

পরিচয়ে আমরা দূর - স্বদূর অতীতকে ভেবে পাচ্ছি

একটা অকূল সমুদ্র সংযোজিত

সংলাপের মত ।

স্মৃতি মন্দির হলে একদিন কবে
এই যে শ্মশান গ্রাস করে নিত জনপদ
তাই নামগুলো হাতফিরি হচ্ছে
কতকাল - কতকাল ।

একদিন গান শুনবে

একদিন গান শুনবে এই সব নিৰ্জন মাঠ ।
প্রকৃতির মুক্ত-অঙ্গনে
একক আর সমবেত গানের আসর ;
তখন
কপসী ধানের চারার অবিরাম নাচে
গন্ধ হবে বিশ্বামিত্র আমার !
সমস্ত ইন্দ্রিয়দ্বারে ঐতিহ্যের মতন
একটা বিরাট ব্যাপ্তি কি রকম আশ্চর্য সঙ্কচিত হয়ে'
পথ পাবে ছোট্ট হৃদয়ে
আর ব্যাপক উচ্ছ্বাসে ফেটে পড়বে অন্তঃস্থলে
সমস্ত সত্য ।
এই শুষ্ক বাসন্তী মাঠে
বিবাহবাসর থেকে ভেসে ভেসে আসে যত
যান্ত্রিক গান ;
তখন মাঠের দিনে একবার দেখে যেও কণ্ঠশিল্পী
অন্ততঃ দর্শকের বেশে,
বোনা হবে সবুজ শীতলপাটী
শুনে যেও তারিহি তালে উৎসারিত অনন্ত সংগীত ,
পল্লীর বৃষ্টির মূর্ছনা কেমন অন্তরঙ্গ হবে
এই ক্ষীণশ্রোত যখন আর নেই
বুকভরা জলের উত্তরোল
কাশফুল - গরবিনী চপলা নদীটি আকর্ষণ তুলবে ।
- সব সবকিছু, শস্যের দানায় মুক্তার জন্ম যেমন
রেকর্ড সংগীতের ধারায় আবহমান কাল ঘুরছে
কৃষাণের নিৰ্জন মাঠে ফসলের গান, -
এইখানে কিছুদিন স্বৈচ্ছা নির্বাসনের ইচ্ছাতেই
একদিন সমাহিত হতে হবে
লোকালয়ের যান্ত্রিকতা শেষ হলে
এ দূরান্ত বিস্তীর্ণ মাঠের ব্যাপ্ত উচ্ছ্বাসে ।

চডকতলার মাঠে

ধান উঠে গেলে চডকতলার মাঠে
নাডা পিষে পায়ে পায়ে
সংক্ষেপ কবে নেয় পথ
পীবপুর, কালিচক, আবো কটা গাঁয়ের মাতৃষ ।
আঁকা বাঁকা মাজা মেঠো পথে
নেমে পড়ে, দেখে ওবা
সাজানো চাঁচবেব গায়ে দাউ দাউ খাণ্ডবদাহ,
দোলযাত্রার মেলায় আনীর মাথে
পাঁপডেব গন্ধ আর ডুগডুগি, বাশির আওয়াজে উৎসব
জমে' ওঠে জিলাপব বসে ।
পুতুন নাচে পানাগান — 'অহল্যা উদ্ধাব'
অপেবাদলের যাত্রা — 'সিঁতুব দিওনা মুছে'
ইয়াকুব আলির ম্যাজিক নাগবদোলা, মবণকূপ
মাঝে মধো, — একটানা, বেশ চলে ।
চডকের উৎসব — চৈত্রেব সং কালী সেজে নাচে
জিভে বান ফুঁড়ে সন্ন্যাসীবা চমক লাগায় ।
আতঙ্ক জাগায় মাঝে মাঝে ডাকাতির জনশ্রুতি চুরি, ছিনতাই খুন
এই তো কদিন আগে এ মাঠের কালবার্ত্তি
খুন হযে গেছে ধরণীধব বিদ্যাপীঠের ছাত্র
পুলিশ, কুকুব, গোযেন্দা সবই হ'ল —
হত্যার কিনারা হয়নি এখনো ।
আবার আজ শুনি সাত সকালে
এক যুবতী বধুর লাশ ঘিবে উপছে পডছে ভীড চডকতলাব মাঠে
পুরণো প্রেমের যোগসূত্র ছিন্ন করেছে তার স্বপ্নিল জীবন ।
পীবপুর, কালিচক আরো কটা গাঁয়ের মাতৃষ
পায়ে পায়ে রক্ত মুছে অলক্ত পায়ে এ পথেই হাঁটে !
হালকরা মাটির বাধায় আবার মেয়াদী নিষেধে
ঘুরপথ দূরবর্তী মায়ায় জডাবে
সবুজ সোনায় স্বপ্নঘেবা তিলোত্তমা হলুদ হলে
হুঃস্বপ্নেব চডকতলার কিংবদন্তী সংক্ষিপ্ত মেঠোপথে নামবে
চডবে নাগবদোলায় দেখবে মরণ কূপ !

বাঁকের মুখে

মোড় ঘুরতেই একটু দেরী যা, —
হঠাৎ দেখা পুরনো মুখ
এখানেতেই দাঁড়িয়ে কিছু গল্প সেবে নেওয়া
সহজতর যবনিকায় বাথা ।
সংক্ষিপ্ত দৃষ্টি মেলে বিদায় দেওয়া
নিকটবর্তী কালেরা সব চুপ ;
আমার বুক — আমার ছোট্ট সুদূর বুক
আমাব ছঃখ ভরা অতল গাঙে
চিল উডলেই কুঁটি,
থাকনা তবে বাঁকের মুখে স্মৃতির খেয়া সুখ
মুখ খুবড়ে নোকোথানা উপুড় হয়ে কাদা মেখেই আছে
নোকোডুবির জনশ্রুতি এই নদীতে
জোয়ার জলের ঢাকনা ঢেকে ভিন্ন প্রসংগেই
বাঁকের মুখে অশ্রু কথা রাখছে কিছু ছাপ
মাঝে মাঝেই দৃশ্যশেষ এ ব্যথার পরিমাপে !

১২-১২-১৯৭৪

বিস্তার

পতিতালয়ের কাছ দিয়ে যেতে যেতে
সেদিন এক অচেনা পথিক থুথু ফেলে গেছে
এই এখানে ।
চেয়ে দেখলুম —
ভিতরের কান্না আমার মেঘভার হয়ে রইলো ।
এমনি অনেক রোদ্দুরে শুকনো কত থুথু
ধুলোর বাতাসে পথ হতে গায়ে পড়েছে ।
চেয়ে দেখলুম,
সে ধুলোয় ভূত হয়ে গেছি
পতিতা, পথিক, আমি ।

সার্থক জন্ম আমার

সময় উত্তীর্ণ হলে আসা যাওয়ার ছ'পক্ষই কৈফিয়ৎ চায়
তাই উদব্যস্ত সময়
ছুটিয়ে নিয়ে চলেছে জীবনভোর ।
নির্দিষ্ট পথের আশেপাশে নিরীক্ষণ বাকী রয়ে গেছে —
সময় উত্তীর্ণ হলে' আসা-যাওয়ার ছ'পক্ষই কৈফিয়ৎ চায় ।

গাঙচিল, বলাকা
খোড়ো হাঁস - শাখচিল চেনা হয়নি ভিন্নভাবে তাই
সবুজের নির্জন পাখী কত
অজানা কত রঙ্ সুদূরিকা রূপ !
আকাশ তো আকাশ
দেখিনি অবাক হয়ে দেশান্তরে বিচিত্র আকাশপট রঙের মাধুবী
সূর্যের উদয় অস্তে কী অপূর্ব অধরা সুন্দর !
সময় উত্তীর্ণ হলে আসা-যাওয়ার ছ'পক্ষই কৈফিয়ৎ চায় ।

কাঁটাঝোপ গাছেদের মাথায় হলুদ ফুলের কী নাম
এমনি অজস্রফুল বনের — পাহাড়ের
কিংবা মাজানো বাগানের,
অচেনা তরুলতার সান্নিধ্য পাইনি আজো
বিপুল এ পৃথিবীর ব্যাপ্তি জানা নেই ;
হলুদ নক্ষত্র কত লুকোচুরি খেলে নিঃসীম নীলে ছোঁয়া হয়নি বুড়ি
কোথায় যে কালপুরুষ, সন্ধ্যা, শুক, ধ্রুব, অরুন্ধতি !
বিদেশ বিভূঁইয়ে দর্শনীয় কত স্থান নতুন পুরনো শহর.
হাট-গঞ্জে উৎসব মানুষের মেলা
এমন কি পল্লীতেই অসংখ্য দৃশ্যের ধারে কাছে
এমন কি ও পাড়ায় বিলটির ধারে ছ'দণ্ড দাঁড়াবার ফুরসৎ নেই
সময় উত্তীর্ণ হলে আসা-যাওয়ার ছ'পক্ষই কৈফিয়ৎ চায় ।
এমনি সময় ছুটিয়ে নিয়ে চলেছে নির্দিষ্ট পথে
কোনু অভীষ্ট লক্ষ্যে যেন —
সার্থক জন্ম আমার গাঁয়ের এ পাড়ায় !

সভাপতির ভাষণ

সবার শেষে আমি আমার কথা বলবো।
সভামঞ্চে যে সব অতিথি
তাঁদের নিজ নিজ আসন অলংকৃত ক'রেছেন।
তাঁদের বক্তব্যের শেষে
সময় যখন জুড়িয়ে জল হয়ে' যাবে
অতিথিদের ভাষণে আমি মুগ্ধ গন,
পাণ্ডিত্য আর ক্ষমতার কাছে বিস্মিত আমি
বিনম্র হৃদয়ে উঠে দাঁড়াবো।

গীতিকারের কথাকলি
স্বরস্রষ্টার স্বরনির্ঝর
শিল্পীর কণ্ঠ মাধুর্য্য - সবাই
আমাকে কোথায় পৌঁছে দিলে
মগ্ন, মুগ্ধ আমি আর কোন কথা বলবো না।

—আর কর্মমুখর সংসারের কর্মের আশ্রয় চঞ্চল
ভাড়া ভাড়া জনতার অধৈর্য্যের মানসবীণায়
একটা স্নমধুর সস্তাষণের স্বরধ্বনি তুলে
রেখে যাবো
সংক্ষিপ্তসার বক্তব্যের সশ্রদ্ধ নিবেদন।

সভার কাজ শেষ হবার আগে
নির্দ্ধারিত সমাপ্তি সংগীত শিল্পীর নাম ঘোষণা ক'রবো,
— তারপর।

